

四庫全書

史部

欽定四庫全書

史部

寶慶四明志卷

三五

詳校官監察御史臣沈孫璉

檢討臣德生覆勘

總校官降詞編修臣倉聖脉

校對官中書臣翁樹棠

謄錄監生臣雷青松

欽定四庫全書

寶慶四明志卷三

宋 羅濬 撰

郡志三

叙郡下

城郭

羅城周回二千五百二十七丈許一十八里奉化江自南來限其東慈溪江自西來限其北西與南皆它山

# 之水環之唐末刺史黃晟所築

晟鄆縣人僖宗末結羣豪保護鄉井昭宗

初董昌表為刺史終於梁開平三年墓碑云此郡先無羅郭民若野居晟築金湯壯其海嶠絕外寇窺覲之患保一州生聚之安按會要及移城記長慶元年移州治於鄆縣治而於舊州城近南高處置縣且徹舊城城新城則今之子城是也又按通鑑大中十三年賊仇甫攻臨象山明州城門晝閉咸通元年甫分兵掠明州州民相與謀曰賊若入城妻子皆為菹醢况貨財能保之乎乃相率出財募勇士治器械樹柵浚溝斷橋為固守之備然則雖有子城而無羅郭備禦所以難也錢氏據有吳越明為屬郡後且以子弟鎮之城郭增壯自此始矣舊經云閩粵無諸所築夏侯曾先謂劉牢之築以塞三江之口西城外有城基上生竹篠俗曰篠牆即故基也晉末海寇孫恩犯會稽則由上虞以入不由乎明州者亦以此城據三江

之險云按漢鄣鄧屬會稽郡不屬閩粵國安得為無諸所築篠牆為劉牢之所築故基則非今羅城也孫恩乃自海島舟行破上虞寧畏此城之險袁晁能陷明州豈孫恩不能破乎况晉末此亦未有縣治也故不敢以舊

### 皇朝寶慶二年守胡榘重修

除望京靈橋東渡三門更

經為據  
新外其他城郭樓門埤薄為厚增卑為高補  
鑄易圮凡費楮券萬二千五百三緡有奇

### 四城門

### 凡十西曰望京門

有水門通漕運舊名朝京慶元中守鄭興裔更名久而圮守胡榘重

建夾城立柱棧其上衡七間從三丈有九尺四窻玲瓏與四明山相直既揭門名又扁其樓曰明山寶慶二年八月十六日經始次年六月二十七日落成費楮券萬二千四百一十四緡有奇

### 南曰角

### 水門

有水門通漕運

### 南東曰鄞江門

今東曰靈橋門

寶慶三年守胡

槃重修稍拓舊址易墁壁為窻扉扁其上曰鄴江樓  
人猶曰此門視望京為主而雄壯弗逮於陰陽家未  
宜紹定元年正月適遭延燎乃疊城高五尺更建樓  
門制度與望京樓門等衡縮二間從加三尺東面天  
童太白俯瞰鄴江浮梁卧虹於其前東西二樓對峙  
四明之景槩可親矣門名新書樓扁全於救焚之餘  
仍用  
曰來安門市舶務之左舊不立名呼曰市舶務  
門寶慶三年守胡槃重修始題扁蓋

先是通判蔡範建來安亭實在門  
外故以亭名之惟舶貨入則開  
曰東渡門火於紹  
定元年

今方  
更新  
東北曰漁浦門今  
閉  
北曰鹽倉門鹽入  
則開  
曰達信門

今  
閉  
西北曰鄭堰門

坊巷

古者州閭鄉黨莫不有名如闕黨東里之類後世猶有稱其鄉曰鄭公榜其門曰通德者唐制百戶為里五里為鄉四家為隣四隣為保在城邑為坊田野為村坊之名蓋昉乎此街衢巷陌官為之制宜也此邦生齒既繁侵冒滋多甚至梁水而楹跨衢而宇往來間阻輿馬尤病紹定元年正月東北廂火救焚者束手無措既而掘視古溝率在居民臥室之內人知廣其屋宅而不知自為不利守胡

槩以聞於省令下禁塞水衝者食喉氣喉兩硤橋  
浦不許立屋凡街衢巷陌經火者悉從釐正而並  
渠之人以湫隘為詞猶戶捐以數尺之池

東南廂

錦勳坊

嘉熙四年制帥趙以夫  
為趙善湘奉朝旨立

握蘭坊

西南廂交  
界新橋東

清潤坊

西北廂交  
界新橋南

連桂坊

施家  
巷口



餘慶坊

西南廂  
交界

重桂坊

新寺巷口嘉定七年擲守程  
為孫右枝與子起予同第立

興廉坊

洗馬  
橋下

進賢坊

洗馬  
橋西

吉祥坊

破石  
橋南

康樂坊

皂角  
巷口

錦樂坊

淳祐五年制帥黃壯猷  
為余天錫奉朝旨立

迪教坊

東橋紹定元年守  
胡槩火後重立

積善坊

小江橋南紹定元年  
守胡槃於火後重立

狀元坊

天封塔下嘉泰二年  
守黃由為傳行簡立

東北廂

諸坊皆紹定元年  
胡槃於火後立

千歲坊

南湖頭西  
南廂交界

安平坊

天慶  
觀前

阜財坊

小梁街  
巷口

開明坊

鄞縣  
前

拱星坊

廊頭  
巷口

富榮坊 能仁寺巷口  
西北廂交界

廣慧坊 大梁巷口

泰和坊 縣河下

宣化坊 魏家巷口

西南廂

純孝坊 府橋西

美祿坊 四明橋西

迎鳳坊 四明橋東

問俗坊

史府前

史君坊

史府前

衆樂坊

君奢橋西

釋褐狀元坊

君奢橋南嘉泰三年守黃由為宣繒立

行春坊

寶雲寺西

靈應坊

宣府前

符桂坊

汪運使橋西嘉定七年攝守程覃為汪立中立

畫錦坊

樓府東以王周領鄉郡立

振名坊

東倉橋

順成坊

下倉橋

緩帶坊

崇教寺後

惠政坊

天寧寺南

西北廂

宜秋坊

應家巷口

壽寧坊

北虹橋

崇孝坊

路分衙側

永濟坊

奉國樓前

恤仁坊

佛閣下紹定元年守胡榘於火後重立

廣仁坊

白衣寺巷口

朝士坊

戴家巷口

修文坊

孝文巷口

影泉坊

蔡家巷口

儒行坊

鑿橋下

朝桂坊

項戴橋下為劉炳立

狀元坊

鑿橋下為  
袁甫立

狀元坊

府學前為  
姚穎立

防虞石水步

淳祐三年春併  
聽居民從便汲水

朝拜上馬亭後一所

此處係亭宇合置鎖鑰付  
天慶觀收掌晨啟夕閉

新排橋北一所

已下三處止立  
坊牌不置鎖鑰

景福寺街東一所

錦勳坊東一所

制府兩司倉場庫務并局院方園等

府都倉

奉國門內之西苗米職田  
米湖田米小麥分貯焉

常平倉

奉國門內之東二倉皆寶慶二年守胡榘徹舊  
而新倉各十一區區各三間棧閣以藉米麥各

有聽事後舍前庭庭前虛  
地各方十餘丈繚以步廊

糯米倉

望京門外寶慶三年守胡榘重建  
聽事之外兩款翼之棧以閣板

支鹽倉

子城東北一里  
八十七步凡七教

甲仗庫

設廳前二廡之閣寶慶三  
年守胡榘重修且修軍器

軍資庫

設廳前東廡之後寶慶二年守胡榘重建凡  
三十九間公廳吏舍之外庫地皆棧以板

制置使司平糴倉

淳祐二年制帥陳堦  
建詳見第六卷叙賦下



制置使司平糴本錢庫與倉同時建用軍資庫空地

制置使司犒賞庫舊附軍資

激賞解庫

淳祐五年二月制帥大卿黃公壯猷任內就激賞庫闕過本錢二十萬貫十七界淳祐

六年七月制帥集撰顏公頤仲再於激賞庫闕過本錢三十二萬貫十七界

制置使司平糴南倉

延慶寺西淳祐四年制帥殿撰趙公綸建詳見第六卷叙賦下

醕酒庫

府東門舊叅議衙端平三年制帥大卿趙公與憲叔淳祐六年制帥集撰顏公頤仲委提督官

司戶黃縉刊定規式載於石刻詳見叙賦上酒門

常平庫

附軍資

公使庫

設廳前西廡之後乾道中守張津以簽判舊廨  
蓋之屋久而圯守胡槩重建凡一百六十一間

磨有院碓有功酒有棧錢米什物有庫公廳吏舍以  
及神宇莫不整整寶慶三年二月十五日經始十一  
月三十日告成役二一萬五百二十六  
用楮券一萬二千六百二十七緡有奇

東醋庫

靈橋門外

西醋庫

美祿坊酒務之東

都稅務

東渡門裏皇朝景德四年置紹  
定元年守胡槩於火後重建

市舶務

淳化元年初置於定海縣後乃移州治在於城  
東南其左倚羅城嘉定十三年火通判王槌重

建久而圯寶慶三年守胡槩捐楮券萬三千二百八  
十八緡有奇屬通判恭範徹新之重其廳事高其開

閣內聽扁曰清白堂後堂存舊名曰雙清清白堂之前中唐有屋以便往來東西前後列四庫分二十八眼以寸地尺天皆入貢奇祥異瑞爭來送不知何國致白環復道諸山得銀甕號之兩俠東西各有門東門與來安門通出來安門為城外往來之通衢衢之南北各設小門隔衢對來安門又立大門門之外瀕江有來遠亭乾道間守趙伯圭建慶元六年道判趙師函修寶慶二年蔡範重建更名來安賈舶至檢覆於此歷三門以入務而閉衢之西北小門容頓寬敞防閑縝密司存之吏亦免於戾矣務之前門與靈橋門近紹定元年正月火自務之西北延燦於南務獨免而前門燬二月重建自此門之外先後建置皆有

碑記

都酒務

美祿坊子城西南一百一十步皇朝天禧五年置紹興五年以其地為道判南廳務遷子城南

平橋下街西高麗行衙淳熙七年有旨以其地賜相  
 臣史浩今寶奎精舍是也務又遷於湖西觀音寺側  
 嘉定元年省罷添差通判南廳通判移治西廳務乃  
 復舊基比較瞻軍二務萃馬扁曰三酒務其偏為藏  
 春園其外為慶豐樓樓嘉定十六年守趙師岳所建  
 也寶慶三年守胡榘重修務屋凡費楮券四千一百  
 四十七  
 緡有奇

比較務

舊在羅城東樓心寺側  
 紹興間併歸都酒務

瞻軍務

舊在開元寺西紹  
 興間併歸都酒務

香泉庫

乾道間置六庫分在六城門續  
 添鹽倉門新門二庫九八庫

教場

子城西北總為地四十畝一角四十步西東一百  
 步南北九十七步官廳射亭坐其北寶慶三年守

胡架  
重修

物料場

舊經云寄市船務之東  
廊舊云在子城裏今廢

合同場

舊在州東門外政和四年承朝旨置其後以為  
添倅聽而場移於西壽昌院中添倅聽宇雖移

而場不復還  
故處今廢

造船場

城外一里  
甬東廂

制置司和劑藥局

府舊無藥局疾病者取藥於市假偽  
售真其害滋甚寶慶三年守胡槩始

創局於郡圃射堞之西為屋七間有閣以居藥并竈  
庖福皆整器用什物咸備總費楮券四千緡外捐萬

緡市藥命官吏主之劑量精審閩境賴惠  
漸收贏錢以補泛費其萬緡則循環充本

作院

聖功寺東本寺地也久而屋圮嘉定六年寺復請其地每有製造軍器別踏逐寺院置局

省馬院

淳祐壬寅冬重建在達信門裏

雪窖

嘉定十六年守趙師岳置在甬東廂法雲寺後

養濟院

西門裏距府一里半舊有居養院後廢為威果全提營故置養濟院寶慶三年守胡槩重修日

給百餘人人支米一升錢十二文省小者減半亦一二十人

安濟坊

西門裏崇寧二年令置安濟坊以養病者本府以大觀元年閏十月始建

漏澤園

崇寧三年以人物繁庶貧無以葬寄留僧舍或委柔道旁令州責之縣選有常住僧管幹擇地以

常平錢置四年五月詔曰天下承平日久民既庶矣而養生送死尚未能無憾朕甚憫焉今鰥寡孤獨既

有居養之法若疾而無醫則為之置安濟坊貧而不葬則為之置漏澤園朕之志於民深矣監司守令奉行無忽本府以崇寧三年置於城南柳亭院僧主之

### 公宇

子城

周回四百二十丈環以水唐長慶元年刺史韓察所築歲久民居跨壕造浮棚直抵城址不惟塞水

道礙舟楫設有緩急亦無路可以運水邦人病之淳祐癸卯春制守陳瑄給錢酒付造棚人聽自除圻環城遂有路可通立東子城水衙坊牌一子城西街坊牌二重修子城限隔內外

奉國軍門

即子城門也門額守潘良貴書譙樓上有刻漏皇朝慶曆中太守王周重修久益圯紹興

三十一年守韓仲通訪得吳人祝岷治銅為蓮華漏藝精制古簽判許克昌記之慶元間守鄭興喬嘉定

間攝守程覃重修嘉熙二年又圮於風守趙以夫重建特進觀文殿大學士鄭清之作記

宣詔亭

奉國門外之左亭之右又有曉示亭

頌春亭

奉國門外之在亭之左又有曉示亭二亭皆寶慶三年守胡榘重修

子城東門

奉國門內常平倉之後寶慶三年守胡榘重建費楮券一千一百二十一緡有奇

子城西門

奉國門內苗米倉之後

慶元府門

有樓直奉國門之後舊揭明州之額守潘良貴書州陞慶元府守何澹書額嘗因火投烈

燄以厭之今額丞相史魯公書守趙師岳立也嘉熙二年為風所圮守趙以夫重建鄭丞相作奉國軍門

記併述



儀門

直府樓門之後二子門翼之列戟其中寶慶三年守胡榘重修淳祐六年春制帥集撰顏公頤仲重修

設廳

與儀門相直前有庭後有穿堂屋寶慶二年皆圮於風守胡榘重建經始於八月八日落成於十二

月二十九日用楮券一萬二千六百三十八緡有奇

戒石亭

設廳前

茶酒亭

分峙設廳前之東西紹定元年守胡榘重建

制置司簽廳

由設廳西廡以入東面直設廳之西

慶元府簽廳

由制置司簽廳前入面南直設廳之西北

橫舟

元在設廳後淳祐六年制帥集撰顏公頤仲移就平易堂後

進思堂

紹興四年守郭仲荀建淳祐六年冬制帥集撰顏公頤仲以舊規湫隘卑下歲老不支於是增

高故址一新改造七年春

賜御書堂扁從公請也

平易堂

進思堂之後紹興二十年守曹泳建淳祐六年冬制帥集撰顏公頤仲重建

羔羊齋

平易堂之後

獅子門

設廳之左由此以入治事廳

治事廳

建炎末守張汝舟建淳祐五年冬制帥集撰顏公頤仲重修規撫視前宏敞

錦堂

治事廳後正寢也歲久傾圮淳祐元年守余天錫新之氣象宏壯事聞辛丑賜御書錦堂二字以天

錫典鄉郡奉母侈茲寵榮天錫刻扁揭示不朽寓貴端明殿學士陳卓記資政殿大學士趙善湘書特進

觀文殿大學士

鄭清之題額

公生明

正堂之後後堂之前為穿堂三間八窻玲瓏蓋便坐閱文書之所舊湫隘特甚守余天錫一新

未及名陳堽繼其後募司馬文正公所書公生明三字揭扁

清暑

府堂西偏一堂淳熙初魏王建中圮於風守余天錫新之扁仍舊樓叅政鑰所書向南有小軒可坐

尤宜冬

鎮海樓

府堂之東偏寶慶二年守胡榘始建新武岡倅李劉記

句章道院

鎮海樓之下

仁齋

寶慶二年守胡榘撤新之更名在治事廳之東舊曰東齋

友山亭

仁齋前之南偏在修竹間紹興壬戌守梁汝嘉建郡人樓鑰更名友山

鄧山堂

在鎮海樓之北政和丙申守周邦彥因舊基建建炎兵燼巋然獨存堂下雙檜最古方池前後

各一百餘年屋老且圯淳祐壬寅冬制守陳瑄一新扁用舊名資政殿大學士鄭性之書刻制置司準遣

鄭偁所作上梁文於屏板

九經堂

太宗皇帝淳化元年詔頒國子監九經二年守李陳充作堂以藏久而堂圯書散元祐五年守李

闕鑿池畚土增舊址別求九經藏之火於建炎紹興十八年守徐琛又新之跨池為石橋通鄧山堂翼以步廊淳熙七年范成大守明詔賜魏王所藏書四千九十二冊十五軸乃葺斯堂奉其書西偏已偏乃藏所賜書於府學之御書閣築堂及奉安賜書皆有碑記而陳之碑逸矣淳祐五年冬制帥集撰顏公頤仲

修重

梅莊

占春亭

春風堂之南淳祐六年制帥集撰顏公頤仲建

桃蹊

可憇亭

由桃源而西淳祐六年制帥集撰顏公頤仲建

射亭

九經堂後留春亭前之西偏面西其西為梁而棲鵠馬軍士時習射於此號小教場乾道元年守趙

伯圭因舊址新之

桃源洞

出射亭少西而北穴子城以出北東西繚以牆蓋郡圃總名也

更恭亭

入洞門北折而西嘉定十六年守章良朋建前有古檜二取東坡先生雙童老更恭之義名之

傳觴亭

更恭亭北行折西嘉定七年攝守程覃建鑿石軋水為曲池於亭內

寶慶四明志

寶慶四明志

十四

春風堂

傳觴亭之西程覃建疊石為山峙其後石山之下有小池

雙瑞樓

春風堂之南程覃建因田夫以駢幹之粟來獻而名之蓋予城後門也

夫容堂

春風堂之西程覃建鑿池植蓮於後

清心堂

夫容堂之西隆興癸未守趙子瀟建

明秀樓

清心堂之西程覃建其下曰方壺寶慶二年圮於風

甬東道院

清心堂之南趙子瀟建

茅亭

甬東道院南穴子城以入折而東舊有二亭今存者一兩

熙春亭

茅亭之東迤於此紹興癸酉守韓建建

真瑞堂

熙春亭之東迤於南前有木屏

夾芳亭

真瑞堂之東迤於北程覃建

步廊

自鄮山堂九經堂之西入射亭之南西折而入夾芳經射亭前入桃源洞西折北行轉西至傳觴亭

西行至明秀傳觴亭之東北出圃後門雖雨雪不妨步履寶慶三年守胡槩重修

百花臺

太守曹泳建今廢

佳趣亭集春亭容與亭

今廢

及瓜亭

子城西南百六十步

喜雨樓

及瓜亭之上

肅賓亭

望京門裏舊名待賓亭

紅蓮閣

子城西南八十步皇朝宰相章卽公得象嘗倅是邦大中祥符間建

衆樂堂

子城西南坑立湖中東南有橋以通來往風漪月浦極目無塵而近在鄂郭之內一勝景也嘉

祐間守錢公輔建卽亢記之守呂浮書額乾道四年守張津重建

涵虛館

淳熙初年魏王建蓋於衆樂堂之後卽湖棧閣行舟登降之所也寶慶三年守胡榘重修

隱德堂

衆樂堂之南紹興十三年守莫將為賀知章立設像而祠焉取太白之句名以逸老久而圯寶

慶三年守胡榘更新之九月十四日經始十二月三十日畢工用楮券五千三百九緡有奇視舊益堅壯而軒敞明年乃繪夏黃公之像合祠其中更今名奉化丞諸葛興記



竹洲

西湖之南政和間守樓異領鄉郡建錦照堂久而北隆興二年守趙子瀟重建更名今廢

廣生堂

西湖廣福院側乾道元年守趙伯圭建放生之所也

三江亭

鄞江之東舊有亭名三江久廢紹興十年守潘良貴創亭於江之西城之上東渡門之北取舊

名名之蓋慈溪之江與奉化江合流其前而入定海江也

十洲之一

四明之所以得名者以有日月二湖月湖之所以奇絕者以其中有十洲十洲神仙所居

也此取象馬以汀名者曰柳曰雪以洲名者曰芳草曰芙蓉曰菊花以島嶼名者曰月曰松曰花曰竹曰煙總而言之凡十湖山之勝豈惟當與邦人共之雖遠方之好游者亦使至焉今洲之大者為寺為觀為臺館未免自有其僅存一洲詢之耆老亦莫能識廣袤不盈丈自安其小以此得全淳祐二年秋郡守

陳豈政事之暇一日拉僚屬登此洲喟然曰人棄我  
取因其地勢命添倅趙體要植亭其上與邦之人及  
遠方好游者共之遂名是歲十月既望領客泛舟觀  
保豐磯平糶倉已廼登斯亭蕤薌啜茗同此清游制  
幕林宗諭元晉有詩云師帥勤民衆務修挾晴領客  
過仙洲不緣感召豐年好安得從容暇日遊人在湖  
山皆自得政先倉廩百無憂老農  
不解君王意却要朝輶為少留

官僚

佐官

唐刺史有別駕又曰長史又曰上佐又曰司馬即  
漢治中之任方鎮權重則佐貳益卑屈故杜子美

有云治中實棄捐藝祖有天下首置諸州通判以  
朝官以上充實使督察方鎮當時謂之監州典郡  
者至有欲求無通判處太平既久其權稍削然兵  
民錢穀戶口賦役獄訟聽斷之事可否裁決與守  
臣通簽書施行亦或謂之同判委任益不輕也中  
興以來明州通判多至三員魏王在鎮以長史司  
馬易其職淳熙七年依舊嘉定元年省添差則止

二員

通判東廳

儀門外之東廳東有室曰不欺通判張奉世重建謝采伯易名東齋又東有堂曰蟾

桂錢端禮植木犀其前因取以名續更曰秋風軒端禮之弟端厚來倅復舊名久而圯張攀請於郡

重建扁曰風月堂亭曰思齊章良朋建西北有竹所蘇玘建嘉定十五年章良朋以常平使者來攝

郡念其舊治為更新之

通判西廳

儀門外之西本添差通判居而今之酒務乃南廳通判舊治也嘉定元年省添差通

判酒務復舊基南廳通判移治於此號曰西廳廳堂皆圯今倅潘景良重建廳側有清容堂有月林

有風月堂  
悉如故

職曹官

皇朝因唐制兩使各置判官推官一節度置掌書  
記觀察置支使為幕職官錄事司戶司理司法叅  
軍各一為曹官幕職官掌助理郡政凡書記支使  
不得並置有出身即為書記無出身即為支使錄  
事掌判院庶務糾諸曹稽通司戶掌戶籍賦稅倉  
庫受納司理掌獄訟鞠勘之事司法掌議法斷刑  
諸州為錄事諸府為司錄大觀二年詔諸州依開  
封府制分曹建掾改判官為司錄叅軍推官為戶

曹叅軍錄事改士曹兼儀曹叅軍司理改左治獄  
叅軍司戶改右治獄叅軍司法改議刑叅軍政和  
二年以左右治獄叅軍名稱非古古有六曹掾名  
可以復置於是司錄叅軍外有士曹戶曹儀曹兵  
曹刑曹工曹六叅軍且各有掾視州次第事繁簡  
增減員數三年又以叅軍起於行軍用武非安平  
無事之稱改為司錄事司士曹事司戶曹事司儀  
曹事司兵曹事司刑曹事司工曹事建炎元年詔

州司錄依舊為簽書節度判官廳公事曹掾官依舊為節度觀察軍事推官支使掌書記錄事司戶司理司法叅軍大觀四年河北路都轉運提點刑獄司言準令諸錄事叅軍不得差出今來既州院並罷其錄事叅軍惟是總察諸案稽違等事不治刑獄伏乞許令逐司差出幹當事務詔依諸路依此建炎以來復置州院錄叅管幹

節度判官

聽事舊在儀門外之西乾道中張守津欲  
敞公使庫以故戎司易之直奉國門之西

頌春亭之後王日接泣是官徹新其堂  
宇又築室於聽事之右以三雨扁之

### 節度推官

聽事舊在子城之西門外隆興初制閫再  
建奪為幹辦公事聽遂徙於奉國門之東

宣詔亭之後故戎官之廬也舊廳有石曼卿籌筆  
驛詩寶元二年書贈朱復之康定二年復之官於  
此刻之石嘉祐四年胡宗愈作亭貯之中更兵火  
亭壞碑仆紹興十一年劉偉建南堂函置仆碑壁  
間且以籌筆名堂廳  
事既移碑亦隨之

### 節度掌書記

不常置

### 觀察判官

闕

### 觀察推官

聽事舊在儀門外之西偏魏王來鎮以處  
王府屬官繼又以處添差通判察推乃闕



民居嘉定十三年趙希蹈斯職守韓元禮輟子城西南之圃且畀之財始建公舍蓋酒務之東也

### 觀察支使

康定二年聶問居官鼎新解宇簿書有次胥史有位小圃有竹樹水石圃建堂曰嘉

好堂之南有燕射亭西登府城列四亭曰清嘯曰碧鮮曰待月曰隱几觀察推官朝奉郎試秘書省

較書郎陳之武撰記意府之簽廳乃其地也今官省碑記猶在簽廳

### 錄事叅軍

府院子城南四十步寶慶三年守胡榘重建

### 司戶叅軍

聽事子城東南牛里與萬壽寺相對嘉定十三年火重建紹定元年火守胡榘重建

### 司理叅軍

司理院子城南三十五步嘉定十三年火汝墩重建寶慶三年守胡榘重修

### 司法叅軍

聽事舊在子城西三十步中廢率儼民居嘉定十三年始建於子城東南舊縣學基

紹定元年火  
守胡榘重建

### 制置司官

紹興二年五月以左朝奉大夫中書門下省檢正  
諸房公事仇愈充集英殿修撰福建兩浙淮東  
海制置使叙位依發運使例所有本司屬官亦依  
發運司屬官條例置司平江之許浦鎮七月呂頤  
浩言朝廷近置沿海制置司最為得策然敵舟從  
海道北來拋大洋至洋山三孤宜山岱山獵港岑

江直至定海縣此海道一也係浙東路若自通泰  
州南沙北沙轉入東簽料角黃牛梁頭放洋至洋  
山泐海岸南來至青龍港又泐海岸轉徘徊頭至  
金山入海鹽縣澉浦鎮黃灣頭直至臨安府江岸  
此海道二也係浙西路萬一有警制置一司必不  
能照應兩路事宜乞令仇念管浙西淮南路別差  
一員管浙東福建路從之三年六月罷司見在定  
海縣船令明州守臣兼總領叅謀叅議並罷屬官

人吏等裁減數目九月命侍衛親軍步軍都指揮使武泰軍節度使主管殿前司公事郭仲荀為檢校少保知明州兼沿海制置使以紹興府溫台明州為地分屬官叅謀叅議主管機宜文字書寫機宜文字各一員幹辦公事準備差遣各四員海道幹當使臣八員六年置副使八年以浙東安撫使知紹興府兼使司十年仍舊十一年罷隆興元年復置司敷文閣學士趙子瀟首被旨知明州兼沿

海制置使奏仍以紹興府溫台明州為地分所部  
州縣軍兵將官巡尉及本地內應有屯泊官兵並  
將聽節制前所差官屬員多今乞裁減止置叅議  
官書寫機宜文字幹辦公事準備差遣各一員海  
道幹當使臣四員依安撫司屬官例破請給得旨  
依

叅議

聽事子城東門  
外舊司馬衙

書寫機宜文字

元辟親屬充  
後不常置

幹辦公事

聽事子城西門外乃節度推官舊居也

準備差遣

聽事萬壽寺西舊縣學基嘉定十三年建

幹當使臣

今三員

兵官

制置司水軍官見叙兵

國朝置總管鈐轄司掌總治軍旅屯戍營防守禦

之政令凡將兵隸屬者訓練教閱賞罰之事皆掌

馬總管副總管武臣以諸司使以上充文臣以兩

省五品以上充一州即為兵馬總管一路即為馬

步軍總管路分都監掌本路禁旅屯戍邊防訓練之政令州府以下都監皆掌其本城屯駐兵甲訓練差使之事資淺者為監押要郡又有駐泊兵馬都監巡檢司有沿邊溪洞都巡檢或蕃漢都巡檢或數州數縣管界或一州一縣巡檢掌訓治甲兵巡邏州邑擒捕盜賊事又有刀魚船戰棹巡檢沿江河淮海置捉賊巡檢及巡馬遞鋪巡捉私茶鹽各視其名分以修舉職業皆掌巡邏幾察之事州

總管中罷建炎元年改諸路路分鈐轄為副總管  
路分都監為副鈐轄其請給人從序位等並依舊  
鈐轄都監例三年路分鈐轄路分都監並如故五  
年詔兩浙東西江南東西荆湖南北福建廣南東  
路各分置路分總管文臣以安撫使為都總管兼  
領兵民事武臣為副則主兵而已紹興三年中書  
舍人趙思誠言祖宗朝兵馬都監監押大州不過  
三員小州止一員今一州之中至有六七人職事



不修類多騷擾乞今後惟忠義勲勞之後朝廷特  
加優卹者許添差外餘更不添差詔吏部除宗室  
外具諸路添差過員數并元差因依申尚書省蓋  
舊制路分鈐轄都監駐治添差都監等專用武藝  
出身累立戰功或隨龍或行門出職人而添差都  
監監押除宗室外不泛與也副總管元於紹興府  
駐劄隆興元年添差副總管郭吉駐劄明州乾道  
中除武臣提刑與副總管較位序不協副總管遂

移駐明州

浙東路副總管

聽事子城西門外制幹聽之前

路分

初僦民居淳熙戊申劉繼忠始請沒官舊屋闢為聽事在永濟橋側久而圯嘉定二年鄭端禮

白於州得錢五萬益以俸餘葺而新之扁其西偏曰西齋

駐泊兵馬都監

添差兵馬都監

兵馬都監

添差兵馬監押

兵馬監押

押隊

準備差使

指使五員

右禁軍廂軍官

紹興慶元府台州都巡檢使

聽事望京門外浙東寨中

大嵩巡檢

鄞縣

海內巡檢指使

元有白峯巡檢今差指使一員就海內寨撥隸土軍

寶慶四明志

三五

管界巡檢

以上並定海縣

鮎崎巡檢

嘉定中提刑程卓攝守奏請省都酒務一員置

公塘巡檢

以上並奉化縣

三姑巡檢指使

舊更有岑江獵港二巡檢今差指使二員就三姑寨撥隸二軍

岱山巡檢指使

以上並昌國縣

鳴鶴巡檢

慈溪

右軍官

務鎮官

市舶務文一員  
聽事戚家橋寶慶二年  
通判蔡範建有碑記

都稅務武一員

都酒務武一員

舊二員嘉定中提刑程覃攝  
守奏請省一員為結崎巡檢

比較務文一員

舊二員程覃奏請省  
一員為結崎監鎮

贍軍文二員

紹定二年守胡榘奏請  
省一員為慈溪縣丞

林村酒務武一員

下莊酒務武一員

小溪酒稅共武一員

以上並  
鄞縣

奉化酒稅共武一員

慈溪酒稅共武一員

象山監酒武一員

定海監稅武一員

石碛寶幢二稅務共武一員

鄞縣

鮑崎監鎮文一員

奉化縣嘉定中省比較務一員置

倉庫局院官

苗米倉文一員

聽事舊縣學基嘉定庚辰建  
紹定元年火守胡榘重建

甲仗庫武一員

作院武二員添差武二員

添差不  
常置

醫官

翰林祇候駐治一員

鹽官

國朝舊有支鹽場官不係在州縣者並令兼管煙  
火公事紹聖二年勅許決本場亭戶等鬪訟公事  
不得過小杖十三政和四年建議者謂就場支鹽

多有搭帶於是逐州置倉置支鹽官二員其鹽場並改作買納鹽場添差監官并押袋官建炎二年兵部尚書盧益奏諸州鹽倉官吏投夫無慮百餘人每一倉數綱一綱官吏與夫兵梢之費又不知幾沁途偷盜罪賞至嚴猶不能禁至般發稽留支請不繼客人積壓資次動至數月前建議者謂逐州置倉以防私予之弊竊恐其弊今在諸場而又在諸倉也詔令逐州鹽倉官前去就場支發三年



依舊州倉支鹽四年復許就場支鹽每場差監官一員於鹽倉官或押袋官內選差其餘押袋官權行減罷尋有旨不係差充支鹽押袋官除無兼職之人權罷外有兼管催煎押袋官且令依舊專一監催亭戶煎煉自是州倉置罷不常官亦隨之紹興二十五年勅鹽場買納官銜兼帶催煎覺察盜販二十七年尚書省言昨戶部申請罷淮浙路諸州支鹽倉各就場支撥今訪聞其間場分迂遠客

人艱於般請及諸場競相增加斤數輕重不等二  
十八年詔浙東路復置州倉諸場官或一員或二  
員率視劇易為增損慶元府凡十三場並隸提鹽  
司赴辦課利而廩給仰本府長亭杜瀆置場台州  
亦本府支官俸鳴鶴蘆花龍頭長山四場官舊或  
差武臣寶慶二年提鹽司余鑄申乞於文資內選  
辟得旨依

支鹽倉文武各一員

大嵩場武一員

鄞縣

玉泉玉女二場各武一員

象山

清泉場監鹽押袋文武各一員

龍頭穿山長山三場各文一員

以上並定海

昌國監文武各一員

岱山場監鹽押袋武二員

東江高南亭二場各武一員

蘆花場文一員

以上並昌國

鳴鶴場文二員

慈溪

長亭場文一員

杜瀆場武一員

以上並台州

造船官

國朝皇祐中溫明各有造船場大觀二年以造船場并歸明州買木場并歸温州於是明州有船場官二員温州有買木官二員並差武臣政和元年明州復置造船買木二場官各一員仍選差文臣

二年為明州無木植併就温州打造將明州船場兵級及買木監官前去温州勾當七年守樓異以應辦三韓歲使船請依舊移船場於明州以便工役尋又歸温州宣和七年兩浙運司乞移明温州船場并就鎮江府奏辟監官二員內一員兼管買木未幾又乞移於秀州通惠鎮存留船場官外省罷從之中興以來復置監官於明州

監官文一員

場在城外一里甬東廂聽事直桃花渡有亭曰超然晁說之字以道自號景迂

元祐中為知名士崇寧後坐上書入邪籍政和初為監官以讀書自娛一日部使者來治船事詰責甚峻晁從容對曰船待木乃成木非錢不可致今無錢致木則無船乃宜使者愧去淳熙十年襄陽王鈞為監官為立景迂先生祠陸游記之

### 驛鋪

#### 迎恩驛

望京門裏旁有迎恩亭自建涵虛館為迎送賓客之地驛亭遂廢今為義田莊屋

紹興四年勅江浙州軍置斥堠鋪專差鋪兵傳送文字今府界內鋪凡十七兵一百一十二人象山昌國率乘海潮往來府縣故不置鋪

城西鋪

望京門外至  
景安一十里

景安鋪

鄞縣清道鄉地名馬鋪至  
西渡鋪連江十五里

西渡鋪

慈溪縣界至西  
門一十五里

西門鋪

慈溪縣至甲  
山二十五里

甲山鋪

慈溪縣金川鄉至  
漁溪二十五里

漁溪鋪

慈溪縣漁溪坊前至紹  
興府桐下鋪二十五里

右西路

礫社鋪

甬水門外屬鄞縣光同鄉  
至北渡鋪連江一十二里

北渡鋪

奉化縣北渡頭至南渡二十五里

南渡鋪

奉化縣南渡頭至縣下二十五里

奉化鋪

本縣郭至雙溪二十五里

雙溪鋪

奉化縣地名雙溪至固海二十五里

固海鋪

奉化縣地名固海至台州寧海縣界海口鋪二十五里

右南路

桃花鋪

東渡門外江之東屬鄞縣老界鄉地名桃花渡北至清水三十五里

清水鋪

定海縣清水坊前至西門二十五里



西門鋪

定海縣郭  
至縣五里

右北路

河頭鋪

定海縣界育王河頭自桃花至此  
五十五里自此東至蘆浦五十里

蘆浦鋪

定海縣地名穿山磯  
東渡海洋至昌國縣

右東路

寶慶四明志卷三

欽定四庫全書

寶慶四明志卷四

宋 羅濬 撰

郡志四

叙山

四明山府西南六十里綿亘明越台三郡之境周回八  
百里二百八十峯峯峯相次上擬於莽蒼中頂五峯  
狀如蓮花疑近星斗

寰宇記云山頂有池  
其池有三重在臺

唐末有高

士謝遺塵隱於是山之南雷嘗至吳中謂陸龜蒙曰  
吾山有峯最高四穴在峯上每天宇澄霽望之如戶  
牖相傳謂之石窻故茲山名曰四明山中有雲二十  
里不絕民皆家雲之南北每往來謂之過雲有鹿亭  
有樊榭有潺湲洞木實有青櫛子味極甘而堅不可

卒破有猿謂之鞠侯於是龜蒙與友人皮日休各賦

詩九篇傳於世

十道四蕃志及太平廣記神仙傳云  
即漢劉綱與妻樊夫人上昇之地四

明山記云孫興公得仙梨而上昇北夢瑣言云王蜀  
時許寂少年棲於山學易於晉徵君一旦有夫婦詣

山挈一壺酒寂詰之云今日離剡縣寂曰道路甚遙  
安得一日及此頗異之夕以壺觴命酌其夫出一拍  
板抗聲高歌悉是說劍之意俄自臂間抽兩物展而  
唱之即兩劍躍起在寂頭上盤旋交擊寂甚駭尋匣  
之飲畢就寢迨曉乃空榻也舊志云山有黃領蛇長  
一二尺色如黃金居石縫中天將雨作牛吼聲中人  
亦死

若仗錫山石樓山

寰宇記云一名石柱  
是四明山纜風處

松巖山蜜

巖山

古傳有  
仙蜜

雷峯山大雷山

即謝遺  
塵所隱 峒山

蝙蝠洞在  
其中 峒有

四竇或云  
此即四窻 蜂火樓山雞籠山鼈山

取其形  
象以名

西山皆四

明山之支派也山在郡跨鄞奉化慈溪三縣初名明

州以此故載郡志其支派之顯特者分見諸縣

驃騎山鎮府之北金峨峙其南東直天童太白旁睨鄧  
峯玉几西南四明諸山尤秀拔此山之大勢也

詳見各縣

志

鎮明嶺府治前一里三十步木一丘阜天禧中李夷庚  
為守精地理之學以土增之上有佛亭嘉定十三年  
火次年市民重建觀音殿紹定元年守胡榘書鎮明  
嶺及園通道場

叙水

水

海環府境東北迤於南潮入城之東北各有候

燕肅潮論曰觀

古今諸家海潮之說多矣或謂天河激湧亦云地機  
翁張盧肇以日激水而潮生封演云月周天而潮應  
挺空入漢山湧而濤隨析木大梁月行而水大原殊  
派異無所適從索隱探微宜伸確論大中祥符九年  
冬奉詔按察嶺外經合浦郡泂南溟而東過海康歷  
陵水陟恩平住南海迨由龍門抵潮陽洎出守會稽  
移蒞句章是以上諸郡皆沿海濱朝夕觀望潮汐之  
候者有日得以求之刻漏究之消息十年用心頗有  
準的大率元氣嘔吸天隨氣而漲欽溟渤往來潮順  
天而進退者也以日者衆陽之母陰生於陽故潮附  
之於日也月者太陰之精水者陰類故潮依之於月  
也是故隨日而應月依陰而附陽盈於朔望消於朏

魄虧於上下弦息於朏胸故潮有大小焉今起月朔夜半子時潮平於地之子位四刻一十六分半月離於自在地之辰次日移三刻七十二分對月到之時以日臨之次潮必應之過月望復東行潮附日而又西應之至後朔子時四刻一十六分半日月潮水亦後會於子位於是知潮常附日而右旋以月臨子午潮必平矣月在卯酉汐必盡矣或遲速消息又小異而進退盈虛終不失於時期矣或問曰四海潮平來皆有漸唯浙江濤至則亘如山岳奮如雷電水岸橫飛雪岸傍射澎騰奔激吁可畏也其奮怒之理可得聞乎曰或云夾岸有山南曰龕北曰赭二山相對謂之海門岸狹勢逼湧而為濤耳若言狹逼則東溟自定海吞餘姚奉化二江仰之浙江甚狹逼潮來不聞濤有聲也今觀浙江之口起自慕風亭北望嘉興大山水濶二百餘里故海商船舶怖於上潭惟泛餘姚小江易舟而浮運河達於杭越蓋以下有沙潭南北



橫亘隔礙洪波感遏潮勢夫月離震兌他潮口生惟  
惟浙江水未洎月徑巽乾潮來已半濁浪推帶後水  
益來於是溢於沙潭猛怒頓湧聲勢激射  
故起而為濤耳非江山淺逼使之然也

初一日十六日子未午未平

初二日十七日丑初未初平

初三日十八日丑正未正平

初四日十九日丑未未未平

初五日二十日寅初申初平

初六日二十一日寅正申正平

初七日二十二日卯初酉初平

初八日二十三日卯正酉正平

初九日二十四日卯末酉末平

初十日二十五日辰初戌初平

十一日二十六日辰正戌正平

十二日二十七日辰末戌末平

十三日二十八日巳初亥初平

十四日二十九日巳正亥正平

十五日三十日己未亥未平

慈溪江源於紹興餘姚之太平山至丈亭而分一貫邑  
中一環邑前其西北諸山之水未至縣五里滙於彭  
山堰有斗門以泄於江二江皆東來至西渡復合亘  
府城之北入於海隨潮上下

奉化江源於四明之鎮亭山出縣之惠政橋下與諸溪  
水會而南來亘府城之東然後北與慈溪江會而入  
海隨潮上下

顏公渠自桃花渡而東迄定海西市綿亘六十里元港久湮田疇失溉舟楫不通民旅病之前此帥守非不興念率以役艱費夥而輟淳祐六年秋九月制帥集

撰龍溪顏公頤仲因農隙鳩工榜示通衢民聽惟睦

榜示云照得民以食為命食以農為本農以水利為急本郡田畝全藉水利如東管則賴有東湖之水西管則賴有它山之水獨自桃花渡至定海縣一帶東西南北周回六十里舊有河港久不浚治日侵月占皆為埋塞水無所潴惟仰天函晴未十日即已早乾農家無計可施坐待其槁昔號膏腴今為境瘠食且不給何以為生居此方者委可憐念其次則裏河既已斷港未免冒險涉江民旅往來軍兵打請又有風

潮不測之患數十年來太守屢嘗有意開浚只事體重大費用浩繁莫敢輕舉當職冒膺千里宅生之寄常軫視民由己之心苟可興利豈敢吝費亟欲趣今農隙支撥錢米雇募夫工自桃花渡直定海縣西市依舊來河道盡行開浚一則可潴水澤以溉田畝二則可通舟楫以便軍民誠為一方無窮之利其間近河居民或有侵占舊來河道為田起屋者自當悔悟日前冒占官河之非體承州郡為民興科之意各謀改徙毋復執迷斷不可以一二人之私計而妨六十里之水利本府亦當斟酌地段支錢給助應是開河之費盡從本府出備更無一毫擾及民戶所合先行給榜曉示者

纜越三旬而六十里故河盡復廣五丈深丈二尺役工二十三萬九千有奇總費五十五萬七千緡有奇置礮閘三跨橋六

鄞令趙希萑定海令劉仲襄慈溪令季鏞各因渠之  
所隸而董其役倅郡張公琥總之銖粒皆仰於官纖  
毫無擾於民又虞歲深泥淤思為久利再撥緡錢二  
萬貫剏修河局正將一員主之而勾稽則責之鄞與  
定海二丞公之為民慮周矣民便其利而頌其德因  
刻石曰顏公渠

日月二湖皆源於四明山一自它山堰經仲夏堰入於  
南門一自大雷經廣德湖入於西門瀦為二湖在城

西南隅南湖曰日湖又曰細湖又曰小江湖又曰競

渡湖

昔有黃鍾二公競渡於此因以為名

久湮僅如汗澤獨西隅存焉

日月湖又曰西湖其從三百五十丈其衡四十丈周

圍七百三十丈有奇中有橋二絕湖而過汀洲島嶼

凡十曰柳汀曰雪汀曰芳草洲曰芙蓉洲曰菊花洲

曰月島曰松島曰花嶼曰竹嶼曰煙嶼

十洲二島大家多變置不

可盡考而景象猶存

亭臺院閣隨方面勢四時之景不同而士

女游賞特盛於春夏飛蓋成陰畫船漾影殆無虛日

湖之支派繚繞城市往往家映修渠人酌清泚又引之於州北隅鑿兩池以停之滌潦泛溢則城之東北隅有食喉氣喉二壑以洩於江亦一勝也蓋四明山之旁衆山萃焉雨盛則澗壑交會出為漫流無以瀦之其涸可立而待非特民渴於飲而江納海潮以之灌溉田皆斥鹵耕稼廢矣唐開元中鄮令王元暉視地高下伐木斲石橫巨流而約之浚湖以受其入溉田八百頃民德王令立祠堰旁太和六年刺史于季



友又築仲夏堰水利益博國朝建隆間它山堰損若不可收康憲錢公億跪請於神增築全固熙寧乙卯虞大寧為鄞令元祐癸酉劉純父為明守渠圯湖堙因其舊而修之建中靖國改元之夏秋不雨湖大涸郡以其事屬監船場唐意意由南門道渠上凡八十有五里抵它山堰見水多醜洩乃盡塞支流稍浚上源以其土第第增堰水漸引以北獨距城十數里地赤裂深纔尺餘人謂水無可行之理矣意即王令之祠禱

馬一昔水輒薄城下不數日湖流漫然越一歲復涸  
簽幕張必強鄞令龔行脩又歷視舊堰修之益卑以  
高易土以石冶鐵以固之水遂通行嘉定七年提刑  
程覃攝守謂奔湍流沙沙壅水滯乃勢之常歲不一  
浚治之厥後力益艱捐緡錢千有二百置田四十畝  
委鄉之強幹者掌其租入歲給役夫之費督以邑丞  
意則善矣而行之者實具文十四年泉使魏峴以鄉  
郡為念請於朝得祠牒十委里人曰朱曰王按渠堰

礮閘之廢湮者重加修築若程所置田歲程日耗而  
渠不浚丞亦莫知職之在我也紹定元年守胡榘始  
拘其租於官重有司之責且聞諸朝禁居民立屋以  
塞氣喉食喉二礮者浚導必時隄防必謹啟閉必如  
式一邦之大利也後之人毋忽

或六水自南門入實  
流離宮遇涸則火此

渠所闕尤重不當  
俟其涸而後浚

清瀾池直奉國軍門之南錢恭惠王嘗浚之以為救焚  
備守李夷庚又浚之以其土益鎮明嶺

府池鄮山堂之前後各一

梁公泉鄮山堂前方池之外紹興十二年守梁汝嘉建  
亭其上今亭廢井存

昌黎泉公使庫造酒所紹興末年守韓仲通建亭其上  
故名

義井十所

東北廂五

鄞縣前坐北大街一

拱星坊巷口大街一

泰和坊河下一

宣化坊魏家巷一

廟巷一

東南廂一

車橋下南巷

西北廂二

能仁寺前一

卹仁坊佛閣下一

西南廂二

府院前一

五通堂巷口一

橋梁

日月湖之水醜為支流可濯可湘可載可泐徒杠  
輿梁政所宜舉人繁屋比則家自為之矣創置歲  
月載舊經者不敢廢今增創過倍姑識其大者歲

月不暇究也

### 西南廂

清瀾橋

俗曰府橋奉國門前六十步

四明橋

府南九十步有亭唐大和三年刺史李文儒建燬於建炎之兵乾道五年守張津重建嘉

定十三年

火亭廢

懂懂橋

府西南一里西湖衆樂堂之東西橋也俗呼曰東湖橋西湖橋天禧五年僧蘊臻建轉運

使陳克佐立名嘉祐中守錢倚修乾道五年守張津重建仍建二亭其上侍衛三伯庠記

湖心石橋

大小二橋府西南一里半元豐七年建

清洞橋

舊經上曰角水門裏橋元豐二年建

葱行橋

府東南九十步

迎鳳橋

府東南一百六十步

錦照橋

大廟前南距府一里八十步

倉橋

振名坊南距府二里半

福明橋

景福寺東距府二里

新橋

景福寺西距府二里半

錦里橋

舊名五馬在竹洲西距府一里半



解院橋

曾家滙南距府一里二十步舊名通安橋嘉定十三年火重建

右舊經所載

君奢橋

湖橋東距府二百步

酒務橋

崇教寺側距府一百七十步

衆樂橋

湖橋側距府二百步

竹行橋

千歲坊南距府一百九十步

章耆巷橋

千歲坊南距府二百二十步

永安橋

曾家滙西距府一里

四柱橋

曾家滙南  
距府一里

木欄橋

廨院前東距府  
一里四十步

韓家橋

廨院側南距府  
一百三十步

牢家橋

鑄冶坊巷距府  
一百五十步

文博橋

鑄冶坊巷西距  
府一百六十步

汪運使橋

大廟前北距府  
一百七十步

書錦橋

大廟前南距府  
一百八十步

褚家橋

蔣家帶東距  
府二里半

宣家橋

千歲坊南距府三百步

感聖寺橋

紹定元年史府重建

周家橋

鑄冶坊巷距府一里半

普照橋

距府二里半

### 東南廂

市中心橋

南湖頭南西南廂交界距府一里

吳欄橋

市中心橋南西南廂交界距府一里半

奉化橋

一名捧花龍舌頭南西南廂交界距府三里

水月橋

延慶寺前西南廂交界距府三里十五步

洗馬橋

新寺後門距府二里十八步

泥橋

新牌橋東距府三里二十四步

車橋

靈橋門西距府四里四十五步

行香橋

舊曰焚香採蓮橋東距府二里三十步

採蓮橋

南寺前南距府三里半元豐六年建

獅子橋

興教寺南距府二里半

新牌橋

泥橋頭西距府二里半十二步

右舊經所載

塔下橋

連桂坊東距府  
二里三十步

破石橋

吉祥寺後距府  
二里二十八步

古石橋

二十九營前距府  
二里三十五步

小江橋

積善坊距府三里半  
紹定元年火重修

丘家橋

迪教坊南距府四里  
半紹定元年火重修

興教橋

景清巷口東距府  
四里半五十步

賀都監橋

新門頭距府四  
里半五十五步

戚家橋

南寺後門距府一里半

明州橋

南寺前直南距府二里半一十步

南寺後橋

戚家橋南距府一里半五步

黃家橋

東河際南距府二里半

行宮橋

素尚書宅西距府三里十五步

磚橋

龍舌頭北距府二里半二十步

石橋

趙府前距府一里半

史學士橋

龍舌頭距府二里半

王家橋

連桂坊南距  
府二里十步

陸家宅橋

連桂坊西  
距府二里

史府橋

景德寺側東  
距府一里半

石橋

汪家巷口距  
府一里半

林家橋

全捷營前距  
府三里半

馬家莊橋

新門頭距  
府二里半

王家橋

袁尚書宅前  
距府四里半

袁尚書橋

宅前距府四  
里半三十步

孫家石橋

戚家橋南距府一里半一十步

馬家石橋

東河際距府四里半四十步

馬家莊石橋

黃家橋南距府一里半五十步

馬家石橋

三龍王廟前距府二里半

吳家橋

沙泥巷口距府一里半

新門裏石橋

馮計院宅前距府三里

汪家木橋

景清寺東距府一里十步

黃鑿橋

戚家橋東距府一里五十步



西北廂

迎恩橋

一名仁安望京門  
裏東距府一里

虹橋

壽寧坊南距府二百十步  
乾道中守張津重建

河利橋

項家巷口府西南半里

惠政橋

報恩光孝寺前俗曰天寧橋  
崇寧二年建

永濟橋

路分衙前距府六十步  
景德四年僧惟一建  
乾道五年守張津作亭其上  
嘉定十三年火

廢亭

董孝橋

一名渡母橋報恩觀西距府六十步  
天禧五年建有亭久而圮  
乾道五年守張津重建紹

定元年守胡黎  
於火後重建

府東門橋

距府三十步

府西門橋

距府三十步

阮家橋

一名斜橋  
府東北半里

鑿橋

狀元坊下  
府東北一里

西上橋

府西北一里半

東上橋

府西北一里

石礮橋

府東北一里三十步  
元符元年建

右舊經所載

鹽倉橋

鹽倉前距  
府一里半

貢院橋

府學西距  
府一里

府後橋

桃源洞後  
距府半里

中上橋

高侍郎新巷口  
距府三十步

頂戴橋

朝桂坊下  
距府半里

祝都橋

報恩寺後東  
距府一百步

林鱗魚橋

高侍郎宅前  
距府一里

方家橋

報恩寺後西  
距府半里

楊家橋

報恩寺後西  
距府半里

烏黯橋

忠順官寨前  
距府一里半

府社壇橋

望京門裏淳祐六年秋  
制帥集撰顏公頤仲建

東北廂

紹定元年火諸橋  
皆守胡榘重修建

千歲橋

府東南百步西南廂交界周廣順  
二年建舊曰萬歲橋又曰貫橋

皇封橋

府東南  
半里

開明橋

一曰通明  
鄞縣前

積善橋

東 鄞縣

生薑橋

東 鄞縣

鹽蛤橋

府東南  
二里半

右舊經所載

蕭家橋

市中心距府  
二百十步

迴途橋

魏家巷口  
距府一里

餘慶橋

縣東距府  
一里半

瑯琊橋

縣東距府一里  
三百二十步

做絮橋

廊頭距府一里  
三百四十步

團橋

東渡門裏距府  
二里二十步

都稅院橋

東渡門裏距府  
二里四十步

張家橋

醜塘距府二  
里三十步

四港橋

市舶司後  
距府三里

市舶司後橋

醜塘東距府  
三里二十步

葛家橋

姚家巷口距府  
二里三百步

洗麩橋

東壽昌寺北  
距府二里半

洞橋

新河頭距  
府二里半

泰和坊橋

鄞縣前距  
府二里半

隱仙橋

天慶觀後距  
府二里半

柴家橋

廣慧寺後距  
府二里二十步

廣慧橋

大梁街距府  
一里五十步

津渡

東渡即桃花渡羅城東門外往定海昌國路

寶慶三年  
守胡榘新

造昌國渡船二隻

詳見縣志渡津門

北渡甬水門南二十五里往奉化路蓋奉化有南渡故

以此為北也

洪子五  
名管幹

西渡望京門西二十里往慈溪路

管堰洪子元管一十  
八名每月支和雇

錢二貫文牛畜元額八頭每頭月支草料錢一貫文  
索纜月支三貫文初委鄞縣丞於所收役錢內支丞

不任職所支有名無實人畜俱亡實慶三年洪子有  
者一十三名牛存者一頭舟上下甚艱守胡槩買牛  
增人收丞廳役錢入板帳按月支給逾西渡堰入慈  
溪江舟行厯慈溪餘姚以至上虞之通明堰率視潮  
候

江東西塘路

本府城東靈橋門浮梁之外有西塘自甬  
東至莫支堰係民旅訟塘往來之路外邊



河內傍田侵削幾不盈尺淳祐六年制帥集撰顏公頤仲申省重修

### 海道

### 至昌國縣

乘西南風不待潮徑至舟山頭登岸

風不順泊大小謝港口或大小茅山候潮回方行

### 至象山縣

乘平北風行

一泊烏崎頭

再泊方門

三泊陳山渡頭步至縣一十五里

叙產

五穀熟而人民育地產莫貴於此明之穀有早禾  
有中禾有晚禾早禾以立秋成中禾以處暑成中  
最富早次之晚禾以八月成視早益罕矣其品曰  
早黃曰晚青曰矮白曰大白曰細白曰大赤曰占  
城曰金城曰糲撒曰赤撒曰烏撒曰九里香曰赤  
轉稻曰冷水紅曰早糯曰黃糯曰白糯曰丁香糯

曰赤糯曰鼠牙糯曰虎皮糯曰麻糯曰杭州糯曰  
九日糯曰青稗糯粟豆麻麥種無不宜一歲之入  
非不足贍一邦之民也而大家多閉糶小民率仰  
米浙西浙西歉則上下皇皇勸分之令不行州郡  
至取米於廣以救荒市區斗為錢數百而陳陳相  
因待價者自若必有仁人君子而後能倡義以正  
斯俗若夫水族之富瀕海皆然而亦有荒有熟韓  
文公記南海廟以厭魚蟹為稱美言政所格也明

邇日畿人趨都會海雖熟而珍奇所出迨不如所  
聚惟有力者能得之產不異於他邦者不必盡數  
取其異者紀焉

布帛之品

俗不甚事蠶桑紡績故布帛皆貴於他郡惟奉化純  
密而輕如蟬翼獨異他地象山苧布最細曰女兒布  
其尤細者也

草之品

席

江東多席草人業於織者名四方曰明席

三白

農人以此驗歲云三葉白則歲熟

卷柏

俗呼長生不死草生四明山雖甚枯槁得水即蔥翠謝靈運山居賦云卷柏萬代而不死

蓴

本作莼生水中心東湖多有之

苔

吳都賦海苔之類注云苔生水中正青狀如亂髮乾之赤鹽藏有汁名曰濡苔出象山

紫菜

吳都賦曰綸組紫絳注云紫菜郭璞江賦云紫萸榮擘以叢被注云萸紫菜也定海昌國海岸

中有之出伏龍山者著名

海藻

爾雅曰蓴又名海藻生海中黑色如亂髮而大埤雅曰本草以爾雅所謂綸似綸組似組東海

有之正謂二藻也又云按本草海藻昆布青苔紫菜皆療瘤癭結氣又一種細者紫色曰紫角菜

果之品

楊梅

越之楊梅著名天下而奉化所產不減於越有邵家烏金家烏許家烏韓家晚大荔支小荔支

鄞之小溪亦有之色紅不迨奉化之紫黑產東湖者色白名酪蜜脚又其次也

榧

翠山香山雪竇皆有之惟雪竇榧名著

鳧茨

一名芋薺最大者與閩中地栗形質相似而甘脆差減俗謂之土地栗

青櫛子

出四明山陸龜蒙有詩見松陵集今名存實亡矣

羽之品

頰伽 佛書著此名昌國補陀山  
有之鄞縣句章比巖亦有

### 水族之品

鱸魚

數種有塘鱸形雖巨不脆有江鱸差小而味淡  
有海鱸皮厚而肉脆曰脆鱸味極珍邦人多重  
之

石首魚

一名鰲郭璞江賦曰鰲鰲順時而往還注字  
林曰鰲魚出南海頭中有石一名石首常以

三月八月出故曰順時然俗呼冬天蒲中者曰石  
首三四月業海人每以潮汛競往採之曰洋山魚  
舟人連七郡出洋取之者多至百萬艘  
鹽之可經年謂之郎君鱸子公反

鯢魚

一名河豚豚又作狫江淮河皆有之本草鯢魚  
肝及子有大毒入口爛舌入腹爛腸肉小毒人

亦食之煮之不可近鰻當以物懸之一名鵠夷魚以物觸之即噴腹如氣毬亦名噴腹魚白背有赤道如印目得合與諸魚不同又名鱒魚又名吹肚魚又名鮫魚海中者大毒惟橄欖木魚茗木解之次用蘆根烏藍草根汁一云獨眼者尤毒腹多刺去其頭尾取其身白肉用橄欖甘蔗煮之橄欖以解魚毒甘蔗以驗其有毒即黑若其腹內腸肝膏肺與猶犬隨斃昔永嘉有厨人喜其肥美竊食之即仆喋不語欲絕以黑豆槐花研汁攪不潔大藥進之久乃嘔吐而活

春魚

似石首而小每春三水業海人競往取之名曰捉春不減洋山之盛冬天蒲中有者曰蒲春

鮓魚

狀似鱸而肉麓三鯰曰鮓四鯰曰茅鮓小者曰鮓姑鮓眉辯反

鯧魚

一名鮓魚身扁而銳狀若鋸刀身有兩斜角尾如燕尾細鱗如栗骨軟肉雪白於諸魚甘美第



一春晚  
最肥

鮫魚

皮上有沙故曰鮫有白蒲沙黃頭沙白眼沙白蕩沙青頓沙烏沙斑沙牛皮沙拘沙鹿文沙鯁

沙鱸沙燕沙虎沙犁到沙香沙熨  
斗沙了髻沙劍沙刺沙其類甚衆

比目魚

吳都賦曰雙則比目片則王餘注比目東海所出王餘魚其身半也俗曰越王食鱠魚未

盡因以其半棄之為魚  
無其一面故曰王餘也

帶魚

海物異名記曰脩  
若練帶曰帶魚

鰻

海中者極大似蛇而色青白齒銛利冬晴鱗之名  
風鰻江湖河中者曰慈鰻小而色黃埤雅曰鰻有

雌無雌以影漫鱧而生子今  
鰻腹自有子未必皆漫鱧也

華臍魚

一名老婆魚一名壽魚壽一作綬腹有帶如帔子生附其上或云名綬者以此吳都賦曰

琵琶魚注云琵琶魚無鱗其形似琵琶冬初始出者俗多重之至春則味降矣

鱒魚

極大而骨脆肉肥亦可為鮓

烏賊

本草云是顯烏所化今其口脚具存猶相似爾腹中有墨今作好墨用之陳藏器云昔秦王東

遊棄算袋於海化為此魚其形一如算袋兩帶極長墨猶在腹也蜀本云背上骨厚三四分曰華子云又名鱧魚鬚脚悉在眼前風波稍急即以鬚粘石為纜圖經云一名烏鯢能吸波喫墨溷水以自衛使水匿不為人所害又云性嗜烏每暴水上有飛鳥過謂其已死便啄其腹則卷而食之以此得名言為烏之賊也形若草囊口在腹下八足聚生口旁只一骨厚三四分似小舟而輕虛而白又有

兩鬚如帶可以自纜故別名纜魚南越志云烏賊有可遇風便虬前鬚下可而住可亦纜之義也腹中血并膽正如墨中以書也世謂烏賊懷墨而知禮故俗謂是海若白事小吏又有最小者俗呼墨斗

章巨

大者曰石拒居石穴人或取之能以脚粘石拒人故名亦曰章巨次日章舉石距形似大算袋

八足長及二三尺足上突出硯礪戢戢如釘每釘有竅浮於海沙布形如死鳥烏啄之卷以入水嗑釘吸之以此充腹其次者曰章舉亦曰章魚以大小呼之石距如斗章舉如升南方有石距此惟章舉爾章舉之又小者曰望潮身一二寸足倍之又一種曰鎖管亦其類脚短無釘

制魚

板身多鯁長不五六寸味極肥腴以糟范之可作湯或以同章舉與蝦合為鮓謂之三和鮓最

美可致遠世說晉虞嘯父荅晉帝云天時尚溫蟹鮮未熟即此也

箭魚

即江湖鱒魚海出者最大甘肥異常腹下細骨如箭鏃俗名箭魚味甘在皮鱗之交土人和鱗

煑供之春晚與笋尤稱

鯊魚

子多而肥夏初曝乾可以致遠郭璞江賦曰鯊鮪順時而往還山海經注曰鯊狹薄而長大者

長尺餘一名刀魚常以三月八月出故曰順時

銀魚

口尖身銳如銀條又一種極小者名麵魚

鱣魚

身如膏臚骨柔無鱗

白魚

板身肉美

梅魚

首大朱口金鱗

火魚

頭巨尾小身圓通赤故以火名又一種名石敦卒

短魚

項縮而短為蝨極美色微紅

魚

形圓似扇無鱗色紫黑口在腹下尾長於身如狸鼠其最大曰鮫魚即與鮫魚可錯範者同是

鮫與魚皆一類矣其次曰錦魚皮亦沙澁擦去沙黃爛與鮫裙同又次曰黃魚差小背黑腹黃其餘

有斑魚牛魚虎魚皆凡魚

地青魚

尾有刺甚長逢物則撥之毒能中人色白者曰地白與魚相類又名邵陽魚鼠尾魚可作

蝨

竹夾魚

近魴尾有硬鱗色青黑一名上鱧

肋魚

似箭魚而小身薄細骨滿勒肥者僅充口瘦即無所取

馬鮫魚

形似鱸魚味似鯧魚品在鯧鱸之間

鰻魚

似鯉生淺海中著底專食泥身圍口小骨軟肉上

上

鱻魚

形似魴肉亦凡惟以鹽裹之曝為鱻名曰鱻俗又呼老鴟鱻去皮生擘成絲供釘

吹沙魚

埤雅曰魴鮪今吹沙小魚常開口吹沙故曰吹沙魴性善沈大如指狹圓而長有墨點俗

呼為新婦臂味甘今奉化鮪崎鎮多有此頗以為珍品

泥魚

似吹沙而首大  
江河中皆有之

箬魚

其形似箬又有  
極大者曰鱖鱓

黃滑魚

似春魚而肉細又有一  
種曰烏眼白眼皆相類

吐哺魚

東湖有之本名土附  
以其附土而行也

闌胡

形如小鰕大者如人指長二三寸許頭有斑點  
簇簇如星潮退數千百萬跳躑塗泥中海婦挾

簞取之如拾芥名曰闌胡一名彈塗以跳躑取名  
土人笔以米脯辣煮之醒酒然雖細物以盂覆活

者數百於地旦起發覆視之駢  
首俱拱北無一參差者亦異矣

宅魚

本草作蜡一名乍魚一名水母一名擣菹魚生  
東海形如覆笠肉如血蝟大者如床小者如斗

腹下如垂絮純赤無腸胃眼目以鰕為目鰕動  
鮑沉故曰水母目鰕如駟驢之與蛭蛭相假矣

### 蝟

明越風物志云蝟蚌并蝟十足生海邊泥穴中  
潮退採取之四時常有雌者掩大而肥重者踰

數斤其小而黃者謂之石蝟蚌最大者曰青蝟小  
者曰黃甲後足潤者又曰撥棹子東坡荅丁公默  
送蝟蚌詩有半殼含黃宜點酒兩蝟研雪勸加餐  
之句鄉之城東江濱有蝟蚌廟俗傳有漁人獲一  
巨蝟蚌力不能勝為巨蝟鉗而死今廟即其地前  
代多呼四明曰蝟蚌州舒懶堂述里諺云八月蝟  
蚌健如虎埤雅曰蝟蚌  
兩蝟至強能與虎鬪

### 蟹

俗呼為蟹圓臍者北尖者牡也經霜則有赤膏俗  
呼母蟹亦曰赤蟹無膏曰白蟹有子者曰子蟹本

草以蟹性敗  
漆燒之致鼠



螃蟹

俗呼毛蟹又曰田蟹螯跪帶毛山谷詩云怒目橫行與虎爭寒沙奔火禍胎生

彭越

爾雅名彭蠡螯赤者名擁劍一種為彭蠡性極寒蔡謨謂讀爾雅不熟幾為勸學所誤又一種

名桀步埤雅曰以其橫行故謂之策步又一種曰沙蟹

蚌

有珠郭璞江賦曰瓊蚌晞耀而瑩珠定海招寶山下有巨蚌光彩逼人

海月

形圓如月亦謂之海鏡土人鱗次之以為天窻郭璞江賦云玉珧海月謝靈運詩曰掛席拾海

月

鰕

有赤白青黃斑數色青者大如兒臂土人珍之多以餉遠梅熟時曰梅鰕蠶熟時曰蠶鰕狀如蜈蚣

而大者曰鰕姑身尺餘鬚亦二三尺曰鰕王不常有皆產於海其產於陂湖者曰湖鰕生於河者曰

鰕公二鉗比他種其長倍之郭璞江賦云水母目鰕注曰水母無耳目不知避人常依鰕隨之

鱟

形如覆斗其大如車青褐色十二足長五六寸尾長二三尺其殼堅硬腰間橫紋一線軟可屈指每

一屈一行尾尖硬有刺能觸傷人口足皆在覆斗之下海中每雌負雄漁者必雙得以竹編為一甲鬻馬牝者子如麻子土人以為醬或酢牡鱟無子本草云牝牡相隨牝者皆工有目牡者無目牡得牝始行牝去牡死韓退之詩鱟實如惠文骨眼相附行

蛤

每一潮生一暈海濱人以苗栽泥中伺其長八月十六日雀入水化蛤海濱有見之者

淡菜

亦名殼菜形似珠母一頭尖中銜少毛甚益人生南海有東海夫人之號土人燒令汁沸出肉

食之若與少米先煮熟後去兩邊鎖及毛更入蘿蔔紫蘇同煮尤佳

蝓

生於巖或菴竹又  
一種曰老婆牙

蝓房

其大者如駝蹄小者如人指面亦白壯蝓陶隱  
居云壯蝓是百歲鵬所化道家以左顧者是雄

故名壯蝓右顧則牝蝓向南視之口邪向東為左  
顧此物附石而生魂魄相連如房故名蝓房一名

蠟山晉安人呼為蠟莆初生才如拳石四面漸長  
有一二丈巖如山每房內有蠟肉一塊亦有柱

肉之大小隨房廣狹每潮來則諸房皆開有小蟲  
入則合之以充腹海人取之皆鑿房以烈火逼開

挑取肉食之自然甘美更益人美  
顏色細肌膚海族之最貴者也

蝓

俗呼曰生蝓似蛤而長殼有  
毛俗又曰毛蛤一日城蝓

江珧

以柱為珍東坡有江珧  
傳一種小者曰沙珧

螺

多種掩白而香者曰香螺有刺曰刺螺味辛曰辣螺有曰拳螺銀螺又有丁螺班螺又有生深海中

可為酒杯者曰鸚鵡螺郭璞江賦曰鸚鵡蛟蝸注云異物志曰鸚鵡螺狀如覆杯頭如烏頭向其腹

視如鸚鵡故以名也舊說曰蛟蝸小螺也一種曰海蠚

車螯

歐陽公詩曰璨瓊殼水玉瑣爛點生花美此物也一名昌娥一名魁蛤奉化鮭崎間有之

蛤蜊

善醒酒山谷詩云商畧督郵風味惡不堪持到蛤蜊前

煙子

生海泥中長二三寸如大母指其肉甚肥殼不足以容之口常開不閉時行病後不可食切忌

之飯後食之佳

蚶子

爾雅謂之魁陸有瓦壘蚶毛蚶芽蚶土物志曰有側徑四尺皆似瓦壘有文郭璞江賦曰洪蚶

車專

龜脚

以狀似之郭璞江賦云石蚌應節而揚葩

蜆

小於蛤蚶生水泥中殼薄肉多含沙以水浸隔日令吐沙盡方可煮食本草蜆殼陳久者主痢冷無

毒候風雨能以殼為翅飛也

肘子

殼下尖而潤中有肉粘之膏屎皆在尖厨人去下體取面肉脆供入湯稍久即刃不入品

沙喫

塊然一物如牛馬腸臟頭長可五六寸許胖軟如水蟲無首無尾無目無皮骨但能蠕動觸之

則縮小如桃栗徐復擁腫土人以沙盆採去其涎腥雜五辣煮之脆美為上味

寶慶四明志卷四